

## Senesisi

### Sapta 1

#### 1:1-25 Godigo Nai Tigidali Nigai Po

1-5 Gagadobo sogode Godigo te dagadu dali tꝔ dali te si nigai. Tama te tꝔ amuai meni yai, te tꝔde magi nai meni. Tama Godi ḡḡ noma te ḡḡ ugwabadu tolaluai. Be hulua luai.  
(3\*) Tama te hasia sogode Godigo te po wai, "Ula, nanadua." Tama te po baso, te ula nanai. Godigo dwagiai ula domonai te sulama, te be posali ḡḡḡḡ nogi pwai. Be posusu hulisu eba. Tama Godigo bugudama, te huli nogi be hulibo nogi posusu ulaibo nogi posu yai.

(6-8\*) Te nosali sogo Godigo po ma wai, "Te ugwabadu ḡḡ tedali emainao, te ayabadu ḡḡ me tedali emainao," te po wai. Tama te po baso, te ḡḡ te tiwai bugulai. Tama te tomo made nogi Godigo pwai, dagadu.

9-10 Te nosali sogo Godigo te po wai, "Te dagadu dodogode ḡḡ deleliba sisinia, te owai tꝔ ugwaba dia holiao," te po wai. Godigo te po wo baso, tꝔ dia holai.

11-13 Te Godigo te po wai, "Me me nai me me nai noswai dabi ni dabi tubo nai dabi, holiao." Tama Godigo te po wo baso, te nai dabi holai. Tama ni dabi, noswai dabi, te tubo nai dabi augwa ge walai, wai dabi tama sabilai, geninama holai.

14-19 Te nosali sogo Godi ḡḡḡḡ po ma wai, te po wai, "Giliga dali, podua dali, hꝔ badi, haninia," tama augwali nanai. Godigo "Giliga, posobo sogode nanao," te po wai. Tama te po welama, te Godigo podua dali hꝔ dabi dali augwali hulide nanisu emainu ilai. Tama te baso, ula tꝔde elaluboda. Poi be pibo sogo dabi, kudubagi be ebo sogo dabi tedali tedali dḡḡḡ yai.

---

3\* 2 Korin 4:6      6-8\* 2 Pita 3:5

Tama te baso, tego giliga dali podua dali nigai. Tama me si me si sogo se silai.

20-23 Te nosali sogo Godigo te po wai, "Te me me aji hasa, me me aji hasa dabi haniniau," te po wai. Tama augwali haninai. Tama geninama pabagele pai. Me me ba, me me ba te me Godigo nigai. Nigalama tama, deleli me deleli me ba augwa wai pabagele pai.

24-25 Te nosali sogo Godigo po ma wai, te kibu sibi me, hasa sibi me, te tigidali te tōde edaluai. Hasamani dabi tigidali me, tōde bidibo nai dabi tigidali, te me nigai. Tama Godigo nigai nai te nai geninama, te augwali pabagele pai. (1:29-30; 2:9a) Tama te ni dabi, noswai dabi tigidali te bidibo nai bolo Godigo mawai, te augwaligo tubo nai dabi yai.

### 1:26-2:25 Godigo Bidi Nigai Po

1:26-2:25 Godigo bidi nigai. (27\*) Tama Godigo bidi dali we dali si nigai. (26\*) Aḡa yadigi yai tiwai tama nigai.

### (Sapta 2)

Te Godigo tō sai. Tama selama, aḡai bidi tigi nigai.

(7\*) Nigalama tama, bidi gunide Godigo ponani tama, te baso te bidi homu kolasaga tama gagalai, te holaluai. Godigo aḡa nogi Adami pwai. Tama tiliama, Godigo moni gi budai. Tama gi budama, Adami selama, gide muwai. Tama te gide moni pabo aji yai, te we page budu nogi ldeni. (9b\*) Tama te gide ni hauwa edaluai. Tama gi tomode kasagiai ni deleli digi edaluai. Tama te ni du bidigo tu basoda, te bidibo sogo sesemani sogo bidiebao, te bidi isigobe. Kasagiai ni me deleli digi edaluai, te ni du bidigo tu basoda, te bidi aḡa dwagiai se

---

1:27\* Matyu 19:4, Mak 10:6. 1:26\* 1 Korin 11:7

2:7\* 1 Korin 15:45. 9b\* Revelesen 2:7, 22:2, 14.

dali dwai sę dali si mu konaibao.

Te Adamibolo Godigo te po wai, "Te gi nago tolalua. Me me nedudu, me me nedudu nagi tuagame. Ti yali goli kasagiai deleli digi gi tomode ni, te konabo ni du nagi tugio. Nago te ni du tu basoda, dwagiai sę dali dwai sę dali si nago konaibao. Tama te ni du nagi tugio. Tu basoda, nagi isiebao," te po wai.

Te po odama te hasa sibi dali, ba sibi dali te Godigo tōgo nigai sibi tigidali, te Godigo Adami pageba magasai, tama Adamigo deleli deleli bolo nogi pwai. Tama tiliama, Godigo ąą homugo te po wai, "Te Adami deleli bidi naga bidibo, te ąąduba bidibo, te dwali. Eno we deleli nigaibao, te wego bidi tau somainu, ąą we yaibao," te po wai. Tama Godigo Adami tibo isilai, osogo. Tama Adami pilamubadi, Godigo Adamigo punali dili deleli selama, Adamigo tigi ma dololai. Punali dili selama, te we nigai. Tama Adami holalubosi, Godigo Adami bolo te we magasai. Adamigo te we sulama, te po wai, "Nagi éna tiwai dao. Ena punali diligo Godigo nagi nigai, te eno pwabo, nagi we da," te po wai. (24\*) Tama te baso, megi we bidí dabigo augwa aya ida tagapaboda, te we dali bidi dali augwa si keasapali, deleli tiwai yaibao.

Te Godigo Adami dali ąą we dali si bolo te po wai, "Wai saganao, nai tigidali tolalua." Tama te bidi ąą me ąą we me bodu odo bilaluai, tama augwali si hali meni. Godigo ąą nigai nai tigidali sui, te nai dwagiai mu dwagiai yai. Tama a nogo welama me nogo deleli sogo silai.

2:2 (2\*) Te Godigo ąą sę silibosi yaide, te a welama me nogo si sogode, ąą toma tuai. Godigo te sogode dą muwai. "Te sogo kasagiai sogo da, te toma tuabo sogo," te po wai, Godigo.

---

2:24\* Matyu 19:5, Mak 10:7-8, 1 Korin 6:16, Efesas 5:31.

2:2\* Hibrú 4:4, 10.

3:1-24 Bidi Dwai Sę Yai Po

1-7 (1\*) Te hasamanigo tibo usu sabo sę mu koniai yai. Tama te we pageba aselama, aḡaḡi te we bolo te po wai, "Godiwe te po waliwe, te gi ni du tigidali dagi tugio?" Tama te wego te po wai, "Wóó, ni du tigidali ena dali eno bidi dali sigo tuaganio, Godigo te po pusali. Ti yali goli te ni deleli, gi tomode bidibo ni, te ni du dadi sigo tugomeo. Da tu basoda, da isiebao. Da dja baso, da isiebao," te po wai. Tama te wego te po welama, te hasamanigo wai, "Wóó, nagi tubosi nagi isigobeo. Dwagiai sę dali dwai sę dali nagi koniebao. Tama Godigo konebo te nagi aḡaḡi tiwai yaibao." Tama te hasamanigo te po welama, te wego te ni du gedugo sulama, te ni du dwagiai baso, tue hagede. Tue hagede elama, te wego ni du nogogo selama, tuai. Aḡaḡi bidibolo me mawai. Aḡaḡi me tulama, te sogode augwaligo dwagiai sę dali dwai sę dali mu koniai. Augwa bodu odo yai, te augwa gedugo suai, te baso ni yabe dabi selama, tama hobigo hobilai, te ugwa si geselai, paḡde kaliga bolu tiwai geselai, te ugwa dabi gulai.

8-21 Te pio hulide Godi te gide dolalua pai. Adami dali aḡaḡi we dali sigo Godi asibo u wabo odama, augwali si ni dabi pagede duala sai. Tama Godigo te bidi i wai tama, "Nagi menadewe?" Tama te bidigo te po wai, "Eno nagi asibo u wabo odali. Éna bodu odo yali, te baso éna wi yali, tama éna duala sigi paidao." Tama te po welama, Godigo te po wai, "Nagi bodu odo yali, dego pusaliwe? Nago te nedudu tulumuo wai nedudu tuali á?" Adamigo te po wai, "Te we nagi enabolo mani. Tama menama, aḡaḡi te ni du enabolo mani, éna tuali." (13\*) Tama te wego te po wai, "U hasamanigo enabolo tibo po wo baso tama, te ni du eno tuali."

Te hasamani bolo Godigo te po wai, "Te dwai sę yali

---

3:1\* Revelesen 12:9, 20:2. 13\* 2 Korin 11:3, 1 Timoti 2:14.

baso, nagi t̄de tabidu nagi gagegi paibao, nosali. (15\*) Tama eno po waibao, te baso nago wai dabi dede e wego wai dabi dede boi bidi yaibao. Tama te wego w̄j̄ ḡḡ̄ wai, te bidigo nago tobudu elaibao, te nago ḡḡ̄ saga gabulu elaibao," te po wai.

Te po welama, te we bolo Godigo te po wai, "Naga waiby saganusu, deni kisu yaibao. Tama nagi deni kisu daibao tama, ti yali goli nago homu kolasaga naga bidi dolo oi kisu elama, te tiwai naga bidiebao, tama te nago ḡḡ̄j̄ po odaibao," te po wai.

(17-18\*) Te Godigo Adamibolo te po wai, "Naga te dwai s̄ yali, te baso budu tigidali t̄de gau gau yai nai dabi holaibao. Tama te baso, nagi s̄ esu tabiebao. Nagi s̄ bomo e baso naga, te nagi tubo nai tuebao. T̄de bidibo sogode, nagi s̄ bomo yao. T̄go nagi eno nigali tama, te nosali nagi t̄ ma yaibao," te po wai. Tama te sogode hasa wali dabi Godigo selama, ugwa dabi nigalama, augwali si gudulai.

Te Adamigo ḡḡ̄j̄ we dolo nogi pwai, lbi. Tama tiliama, lbi te bidi sibi we sibi tigidaligo auwa mosi yai. Hani tigidali ḡḡ̄j̄ w̄j̄ hani bidi dabi dao.

22-24 Te Adami dede lbi dede dwagiai s̄ dali dwai s̄ dali si koniai. (22\*) Tama te bidi sesemani bidibo ni du augwa tuidadi wesu, te sesemani bididadi wesu, Godigo augwali te gidu buduba sela sawai. Tama tonalubo bidi dabi Godigo gide muwai, te bogoli me muwai, te bogoli k̄go hw̄j̄ tiwai yai, bobobagi. Tama augwaligo te bidi sesemani bidibo ni tonaluai, te bidi dali we dali sigo te ni du tuidadi wesu. Tama tiliama, te bidi me ḡḡ̄j̄ we me augwali si te dwagiai gi tagalama, pelama, tama kasá me t̄de augwali sigo gi gagalai.

---

15\* Revelesen 12:17. 17-18\* Hibr̄ 6:8.

22\* Revelesen 22:14.